





海國圖志卷十九

西南洋沿革

邵陽魏源輯

北印度西北鄰部附錄

漢書罽賓以西北各國皆北印度之鄰境也隋唐為

九姓昭武等國見大唐西域記者孰北印度孰非北印度至為昭析今不復錄惟元代盡易國名而明史誤以北方之賽馬爾罕為罽賓官書西域圖志又以南方之温都斯坦為罽賓罽賓以南之西藏方為天竺二遂燕郢易位焚如亂絲今特畫出北印度以外各國以區戎索特自元明始

邱長春西游記

門人李志常述近日程同文及徐松注源附注

真人長春子姓

邱名處機登州棲霞人已卯年住萊州昊天觀

已卯元太祖稱

帝十四年宋寧宗嘉定十二年金宣宗興定二年

江南河南各大帥屢邀請不



往會是冬十二月成吉思皇帝遣侍臣劉仲祿以虎頭

金牌率二十騎來請時山東尚為金有適兩朝講好故

使命得通庚辰年正月啟行庚辰元太祖十五年宋寧宗嘉定十三年金宣宗興

定四年由燕京出居庸關駐宣德州十月幹辰太王遣使

臣阿里鮮來請程同文曰幹臣太王即太祖第四弟幹赤斤也太祖西征命幹赤斤居守幹難

河以辛巳年二月八日啟行辛巳元太祖十六年宋寧宗嘉定十四年金宣宗興

定五年度野狐嶺在張家口外北過撫州十五日東北過蓋里

泊有鹽池金史撫州之豐利縣有蓋里泊在今張家口北百里迤東北去自此無

河鑿沙开以汲南北數千里亦無大山馬行五日出明

昌界又六七日忽入大沙陀即大漢東北行千里外三月

朔出沙陀至漁兒灤始有人煙聚落張德輝紀行云昌州以北入沙陀凡

六驛而出陀與此正同今為達兒海子在克十克騰部落北又二十餘日方一見沙

河西北流入陸局河陸局河即臚胸河之音轉今克魯倫河也渡河北行三

日入小沙陀四月朔至幹辰大王帳下即幹難河舊帳非和林也十

七日馬首西北二十二日抵陸局河積水成海周數百

里並河南岸西行五月朔亭午日有食之水流東北行

十有六日河勢遠西北山去不得窮其源克魯倫河發源肯特嶺南

流及平地始轉東南長春由河南岸折河西行故不見來源西南灤驛路又行十日



夏至量日影三尺六七寸漸見大山峭拔從此以西漸

有山阜此所見大山又四程西北渡河乃平野此所渡

也山川秀水草饒有契丹故城蓋遼亡士馬不降者西

行所建城邑也又言西南至尋思干城萬里外回紇最

佳處契丹都焉歷七帝註詳下文蓋契丹初奔乃蠻後

亡亦投西契丹歟六月十三日至長松嶺後宿十四日過山度

淺河天極寒十七日宿嶺西盛夏冰雪山路盤曲西北

且百餘里既而復西北始見平地有石河長五十餘里

此鄂爾昆河東流將會喀拉河處經河山峽故曰石河雍正中拒準噶爾其時黑龍江兵至鄂羅坤河軍營者

過汗山即西北渡土拉河又西北行踰喀里雅爾山乃

濟鄂爾坤河與長春行程正同長松嶺當即喀里雅爾

山其地已在北極出地四十九度是以寒甚歟山行五六日峯回路轉尋登高

嶺勢若長虹壁立千仞俯視海子淵深惡人此厄魯赫

二十八日泊窩里朶之東窩里朶漢語行宮也奉皇后

旨請師渡河其水東北流瀾漫沒軸入營駐車南岸其

車輿亭帳望之儼然古之大單于未有若此之盛也此

林行宮也在鄂爾坤河之北色楞格河之南又在塔米爾河哈綏河二小水之間哈綏河即元時和林河也以

水得名其地為自昔回紇建牙之所其所渡之河或即入和林河之支流今日瑚伊努河七月九日

同宣使西南行五六日屢見山上有雪山下往往有墳



墓又二三日過曷刺肖故城又五六日踰嶺而南迤邐南山望之有雪此地東距陸局河約五千里七月二十

五日至阿不罕山北鎮海相公來謁阿不罕山在金山東北今阿集爾罕

山也鎮海傳太祖屯田于阿魯歡立鎮海城阿魯歡即阿不罕之音轉八月傍大山西行

約三日復東南行過大山經大峽中秋日抵金山東北

其山高大深谷長坂車不可行三太子出軍始闢其路

縣轅以上縛輪以下約四程連度五嶺南出山前臨止

泊傍大山者即傍阿爾泰山之東大幹也乃向西南行當取道于今科布多再西南乃科布多河及額爾齊

斯河發源處為阿爾泰山之脈脊故曰經大峽抵金山東北也南出山臨河當是烏隆古河劉郁西使記謂之

龍骨河渡河而南經小童山七十里又鹵地三十里宣使

與鎮海議曰此地最難行前至白骨甸行二百里達沙

陀北頗有水草更涉沙陀百餘里方及回紇城謂所白

骨甸者古之戰場疲兵至此百無一還頃者乃滿部大

敗于此須暮起夜度其半明日向午方得水草但黑夜

魑魅為祟當塗血馬首以厭之師笑不答徐松曰金山東北與烏魯

木齊所屬之古城南北相直今自科布多赴新疆驛路南抵古城之鄂倫布之拉克台之蘇吉台之噶法台皆

沙磧即白骨甸也翌日過沙陀南望天際若銀霞疑為陰山八

月二十七日抵陰山後回紇郊迎至小城北告曰此陰



山前三百里和州也翌日沿州西行禾麥初熟西即繁  
 思為大城回紇王部族勸葡萄酒供花果告曰此大唐  
 時北度端府景龍三年楊公何為大都護有龍興西寺  
 二石刻紀其功德其東數百里有西涼府其西二百餘  
 里有輪臺縣唐之邊坊往往尚存 此陰山非河套之陰山乃天山也博克達  
 三峯去古城北數日程即見之故長春詩有三峯並起  
 揮雲寒之句其陰山前三百里和州者謂天山以南吐  
 魯番為古火州地譌火為和耳唐北庭大都護府在今  
 濟木薩之北端府者端即都護字之合音輪臺縣治在  
 今阜康縣西五六十里縣治在博達克山陰故南望陰  
 山程同文曰繁思即別失歐陽圭齋曰北庭今別失八  
 里也則元時別失八里正在于此 九月十日西行問更幾程得至行在

皆曰西南更行萬餘里即是四日宿輪臺之東又歷一

城重九日至回紇昌八刺城其王畏午兒與鎮海有舊

率部族遠迎

源案畏午兒即畏吾兒乃唐兀部落也元初畏吾兒地西接伊犁東抵哈密故此有其首長程同文曰昌八刺城即元史西北地里附錄之

彰八里也耶律希亮傳踰天山至北庭都護府二年至昌八里城夏踰馬納思河則昌八里在今瑪納斯河之東矣 翌日並陰山而西約十

程又度沙場一晝夜方出蓋白骨甸大沙分流也南際

陰山之麓踰沙又五日宿陰山北詰朝南行長坂七八

十里翌日又西南行二十里忽有大池方圓幾二百里

雷峯環之倒影池中師名之曰天池

徐松曰沙場者晶河城東至托克多積沙



成山東距阜康干一百里故云十餘程其間當過故小河此不言者夏雪融則漲冬則涸此九月過之故不知有水也自托克多至晶河山行五百餘里至賽喇木泊東岸泊正圓周百餘里即天池海 泐池正南

下左右峯巒衆流入峽曲折六七十里二太子扈從西征始鑿石理道刊木為四十八橋橋可并車 並泊南行五千里入

塔勒奇山峽諺曰果子溝溝水南流勢甚湍急架木橋以度車馬峽長六十里今為四十二橋即其遺趾 翌

日方出入東西大川次及一程至阿里馬城鋪速滿國

王既蒙古塔刺忽且來迎宿于西果園土人呼果為阿

里馬因以名城 東西大川即今阿里瑪圖河也阿里馬元史作阿力麻里即伊犁城也元史又

作葉密里又作葉密立皆即此城本朝名之曰伊犁以唐書伊犁河得名恐亦即葉密立之音轉 又西

行四日至答刺速河土人呼河為沒輦云水勢深闊從

東來抵西北截斷陰山河南復是雪山十月二日乘舟

以濟南下至一大山北有小城 此即今伊犁河也其水西流以西行四日計之

其渡河當在今之察林渡也南下一大山疑今鈴廠諸山 又西行五日宣使劉仲祿

以去行在漸近先往馳奏獨鎮海公從又西行七日度

西南一山遇東夏使回言七月十二日辭行在上將兵

追算端汗至印度 西南一山當是善塔斯嶺筭端者西域長君之稱元史作筭端明史作速

檀亦作瑣檀本朝官書作蘇勒坦今哈薩克布魯特每稱之七月十二日辭行在十月十四日至此在道三

矣 月 明日至回紇小城十有六日西南遇板橋渡河晚至



南山下即大石林牙其國王遼後也自金師破遼大石林牙領眾數千去西北移徙十餘年方至此地風土氣候與漠北不同平地多農桑果實如中國惟夏秋無雨皆資灌溉東北西南左山右川延袤萬里傳國幾百年乃滿失國依大石士馬復振盜據其土繼而算端西削其地天兵至乃滿尋滅算端亦亡

源案前記言西南至尋思干城萬里外回

統最佳處契丹都焉歷七帝者此也劉仲祿言在乃蠻奉詔徵師者亦此也大石林牙遼宗姓於遼之後率眾西行間闢萬里建國西土是為西遼耶律大石號德宗改元延慶二年康國十年子夷列立號仁宗其幼時太后蕭氏權國改元咸清凡七年及親政改元紹興凡十三年卒子幼妹耶律氏權國崇福十四年子直魯古立

改元天禧凡三十四年元太祖滅乃蠻禽太陽汗其子屈出律奔契丹襲執天禧尊為太上皇慕其國閱十餘年元太祖征西域滅之其事附見遼史天祐紀未兼見于契丹國志實止建國七十年歷三帝二后以遠隔葱嶺故諸史皆無之此地尚在伊犁西境未逾葱嶺也時乃蠻部據其葱嶺東地而印度算端據其葱嶺西地分為兩國其尋思干城則印度算端所據也舊皆西契丹地十有八日崧山而西七八日山忽南去一石城當途石色盡赤有駐軍古迹西有大塚若斗星相聯

今特穆爾圖泊南岸地多古翁仲即此地也自渡伊犁河以南所經之程

即今伊犁兵赴喀什噶爾換防之路傍特穆爾圖泊東南經布魯特游牧乃上葱嶺也並西南山行

五程至塞藍城有小塔回紇王來迎入館十一月四日土人以為年傍午相賀西南復三日至一城其王亦回



紇明日又歷一城復行二日有河是為霍闡河由浮橋渡泊于西岸其河源出東南二大雪山間色渾而流急

深數丈西北注不知幾千里此正踰葱嶺之路也程同文曰賽藍據劉郁西使記

在塔刺寺西四日程今塔刺河之西也明史外國傳賽蘭在塔失干之東今塔失干城在錫林河之北元時西域往返之道必從塔刺斯河過賽蘭乃西南行渡霍闡河即納林河也劉郁西使記作忽牽河其音相近

之西南絕無水草者二百餘里復南望大雪山而西山

形與邪米思干之南山相首尾又至一城得水草復經

三城山行半日入南北平川仲冬十有八日過大河至

邪米思干大城之北西契丹之河中府也大師移刺國

公及蒙古回紇郊迎大設帷幄乃知宣使劉公以路梗

尚留此處蓋千里外舟梁為土寇所毀也遂留過冬其

城臨河岸秋夏常無雨國人疏二渠入城分遶巷陌方

箕端未敗時城中十萬餘戶今存四之一大半回紇人

契丹及漢人次之有岡高十餘丈算端之新宮據焉又

孔雀大象皆東南數十里印度國物邪迷思干元史及西使記皆作尋思

干即賽馬爾罕城在今敖罕境內在納林河之南長春自北來先渡霍闡河此又渡

指城東之河北流入那林河者也至北庭至此大率西行過此則大率南行最為西征扼要之地故于此宿兵

而以耶律楚材駐守焉其後以封駙馬帖木兒至明尚為西域大國源案元史太祖先取尋思干城後取薛迷



思干城則誤作二地薛迷即邪迷也師因問五月朔日食事其人云此中

辰時食至六分止師曰前在陸局河時午刻見其食既

又西南至金山人言巳時食至七分此三處所見各不

同以理揆之正當其下則見其食既在旁者則千里漸

殊耳是年閏十二月將終宣使所遺偵騎回言二太子

發軍滅土寇整橋梁帝蹕大雪山之東南今則雪積

山門餘百里深不可行今開此路請師師作詩有陰山

西上五千里大石東過二十程之句壬午年春三月

元太祖十七年宋寧宗嘉定十五年金宣宗元光元年阿里鮮至自行宮來迎師

問阿里鮮程途幾何對曰春正月十三日自此初發馳

三日東南過鐵門又五日過大河二月初去東南過大

雪山積雪甚高馬上舉鞭測之猶未及其半下所踏者

復五尺許南行三日至行宮矣三月十五日同劉宣使

啟行四日過碣石城傳旨以甲士千人衛送過鐵門東

南度山山勢高大亂石縱橫衆軍挽車兩日方至前山

松流南行軍即北入大山破賊五日舟渡小河七日舟

濟大河即阿母河也碣石元史地理志作柯傷明史外國傳作渴石云南傍大山屹立出

峽口有石門色似鐵唐西域記出鐵門至觀賀羅國其地東拒葱嶺西接波刺斯南踰大雪山北據鐵門過雪



山爲藍波國卽北印度境是也太祖追北印度筭端南  
山雪已親至北印度太祖旋師後復遣將追至忻都  
窮及申可筭端死乃返則兵亦至中印度界矣前阿里  
鮮赴行在時正太祖追算端至印度之日故踰雪山南  
又三日乃達及長春至行在則帝已回至雪山避暑故  
長春過鐵門後行十二日至雪山而止也所渡之阿母  
河元史亦作暗布河亦作阿木河元秘史作阿梅河卽  
佛書之縛芻河發源葱嶺大龍池西北流入裏海者其  
後于阿母河立元帥府統蔥嶺以西各國大  
雪山今爲和羅三托山自東而西綿亘千里 東南行又  
四日達行在時四月五日也上恐印度迤南炎熱故于  
雪山避暑上下四月十四日開道將至期有報回紇山  
賊指斥者上欲親征因改卜十月吉師乞還舊館臨時  
再來乃以千餘騎由他路回遂歷大山山有石門望如

削堵有巨石橫其上若橋其下流甚急此地蓋門口新

爲兵所破師出峽詩有水北鐵門猶自可水南石峽更

堪驚之句

源案阿母河之南雪山之北其中尚有一印  
度河此石峽卽印度河上游也印度河亦名

新頭河法顯傳曰度葱嶺西南行十五日其道艱阻崖  
岸險絕其山惟石壁立于仄臨之日眩下有水名新頭  
河昔人有鑿石通路躡懸繩過河兩岸相去八十步過  
河便到烏菴國卽北天竺也水經注曰烏菴之西有葱  
度之國案漢烏菴今巴達克山國也懸度更  
正其西則河之下游此石峽則河之上游矣 征西人回

多獲珊瑚有從官以白金二鎰買五十株高者尺餘

源案

職方外紀葱嶺迤西有國曰得白德者不以金銀爲幣  
止用珊瑚又西紅海在天方之西水皆紅色相傳珊瑚  
所賦而成 五月五日復回邪米思干城八月八日復啟行詣



行在十有二日過碣石城翌日步騎千餘入大山中行  
即鐵門外別路也涉紅水澗有峻峯高數里向東南行  
山根有鹽泉流出見日印成白鹽又東南上分水嶺西  
望高澗若冰皆鹽耳十有四日至鐵門西南之麓將出  
山其山門險峻左崖崩下澗水伏流一里許中秋抵河  
上其勢若黃河流乘舟以濟東南行三十里乃無水

源案

此又過阿母河也 即夜行過班里城甚大東行數十里有水馬

僅能渡 源案此又過印度河上游也 二十二日至行在入見道人見

帝無跪拜禮入帳折身叉手而已二十七日從車馬北

回九月朔渡河橋而北

鹽泉在鐵門山之西史郭寶王其西北即大鹽池元納商城越

傳太祖封大鹽池為惠濟王劉郁西使記過抵河上其三日山皆鹽如水晶狀納商即渴石也出山西之水皆勢若黃河西流者即流入大鹽池蓋葱嶺會于此即阿母河南懷仁國言裏海之水浩蕩甚鹹或以受此河之故歟東行數十里復渡一河則印度河之上源也九月朔復渡河橋北還者即阿母河之浮橋前為賊毀官軍修復之蓋長春已見帝即扈從而北矣讀此記乃知元史本紀及耶律楚材傳帝至東印度度駐鐵門關角端見班而者蓋本于宋子貞所作楚材神道碑不知太祖軍踰雪山止至北印度何由遠及瀕海之東印度若鐵門則未至雪山距北印度尚遠考湛然集楚材在西域十年止駐尋思于城縱或偶至鐵門無由至印度神道碑欲歸功楚材故移印度之事于鐵門以傳會之不知種種不合

明史撒馬兒罕即漢罽賓地

此語誤沿王圻續文獻通考之謬賽馬爾堪城沿納



林河今在敖罕西北塔什干西南則是古大宛大夏隋地敖罕布哈爾皆元撒馬爾罕所轄地與罽賓無涉

唐皆通中國元太祖蕩平西域盡以諸王駙馬為之君長易前代國名以蒙古語始有撒馬兒罕之名去嘉峪關九千六百里元末為之王者駙馬帖木兒洪武中太祖欲通西域屢遣使招諭而遐方君長未有至者二十一年四月帖木兒首遣回回滿刺哈非思等來朝貢馬十五駝二詔宴其使賜白金十有八錠自是頻歲貢馬駝及鑕鐵刀劍甲冑諸物而其國中回回又自驅馬抵京州互市帝不許令赴京鬻之元時回回徧天下及是居

甘肅者尙多詔守臣悉遣之於是歸撒馬兒罕者千二百餘人二十七年八月帖木兒貢馬二百其表言欽仰聖心如照世之杯使臣心中豁然光明照世杯者其國舊傳有杯光明洞徹照之可知世事故云成祖踐阼遣使勅諭其國永樂三年傳安等尙未還而朝廷聞帖木兒假道別失八里率兵東勅甘肅總兵官宋晟儆備五年六月安得還初安至其國被留朝貢亦絕尋令人導安徧歷諸國數萬里以誇其國廣大至是帖木兒死其孫哈里嗣乃遣使臣送安還貢方物帝厚賚其使遣官



往祭故王而賜新王及部落銀幣其部落頭目沙里奴兒丁等遂亦貢駝馬景泰七年貢玉石順天元年命都指揮馬雲等使西域勅獎其鎖魯檀賜綵幣令護朝使往還鎖魯檀者君長之稱猶蒙古可汗也成化中其鎖魯檀借亦思罕各酋長貢二獅至肅州其使者還不由故道赴廣東又多買良家女爲妻妾又請泛海至滿刺加市狻猊以獻市舶中官韋眷主之布政使陳選力陳不可乃已宏治二年其使由滿刺加至廣東貢獅子鸚鵡諸物守臣以聞禮官耿裕等言南海非西域貢道卻

之薄犒其使量以綺帛賜其王明年又偕土魯番貢獅子及哈刺虎諸獸由甘肅入嘉靖十二年偕天方土魯番八貢稱王者至百餘人禮官夏言等論其非請勅閣臣議所答張孚敬等言西域諸王疑出本國封授或部落自相尊稱先年亦有至三四十人者若驟議裁革恐人情觖望乞敕禮兵二部詳議於是言及樞臣王憲等謂西域稱王者止土魯番天方撒馬兒罕如日落諸國稱名雖多朝貢絕少宏正間土魯番十三人貢正德間天方四入貢稱王者率一人多不過三人餘但稱頭目



而已至嘉靖二年八年天方多至六七人土魯番至十  
一二人撒馬兒罕至二十七人孚敬等言三四十人者  
并數三國爾今土魯番十五王天方二十七王撒馬兒  
罕五十三王實前此所未有宏治時回賜敕書止稱一  
王若循撒馬兒罕往歲故事類答王號人與一敕非所  
以尊中國制外番也帝納其言國止給一敕且加詰讓  
示以國無二王之義然諸番迄不從十五年人貢復如  
故甘肅巡撫趙載奏請國稱王者至一百五十餘人皆  
非本朝封爵宜令改正且定貢使名數通事宜用漢人

母專用色目人致交通生孽後入貢迄萬歷中不絕蓋  
番人善賈貪中華互市既入境則一切飲食道途之資  
皆取之有司雖定五年一貢迄不肯遵天朝亦莫能難  
也其國東西三千餘里他寬平土壤膏腴王所居城廣  
十餘里民居稠密西南諸番之貨多聚于此號爲富饒  
城東北有土屋爲拜天之所規制精巧柱皆青石雕爲  
花文中設講經之堂用泥金書經裏以羊皮俗禁酒人  
物秀美工巧過于哈烈而風俗土產多與之同其旁近  
東有沙鹿海牙達失干賽藍養夷西有渴石迭里迷諸



海國圖志卷之九十四南洋

部落皆役屬焉 達失干即今之塔什干在  
敖罕之北哈薩克之西

又曰迭里迷在撒馬兒罕西南去哈烈二千餘里有新

舊二城相去十餘里其會長居新城城內外居民僅數

百家畜牧蕃息城在阿木河東多魚河東地隸撒馬兒

罕西多蘆林產獅子永樂時陳誠李達嘗使其地卜花

爾在撒馬兒罕西北七百餘里

案卜花爾在敖罕西即  
今布哈爾也撒馬爾罕

都城在今布哈爾教罕地斷非漢之屬實矣屬實為今  
克什彌爾且中隔巴達克山等國相去甚遠又布哈爾

彼時疆域甚小今則盡有撒馬爾罕之地為大國故  
以撒馬爾罕為今之布哈爾古之大夏庶乎近實

居平川周十餘里戶萬計市里繁華號為富庶地界下

節序常溫宜五穀桑麻多絲棉布帛六畜亦饒永樂十

三年陳誠自西域還所經哈烈撒馬兒罕別失八里俺

都淮八答黑商迭里迷沙鹿海牙賽藍渴石養夷火州

柳城土魯番鹽澤哈密達失干卜花爾凡十七國悉詳

其山川人物風俗為使西域記以獻以故中國得考焉

宣德七年命李達撫諭西域卜花爾亦與焉

達失干即  
今塔夫干

別失八里即今新疆南路回  
部八答黑商即今巴達克山

明史哈烈一名黑魯在撒馬兒罕西南三千里

當為今  
南都魯

機之地去嘉峪關萬二千餘里西域大國也元駙馬帖木



兒旣君撒馬兒罕又遣其子沙魯哈據哈烈洪武時撒馬兒罕及別失八里咸朝貢哈烈道遠不至二十五年遣官詔諭其王賜文綺綵幣猶不至二十八年遣給事中傅安郭驥等攜士卒千五百人往爲撒馬兒罕所留不得達三十年又遣北平按察使陳德文等往亦久不還成祖踐阼遣官齎璽書綵幣賜其王猶不報命永樂五年安等還德文徧歷諸國說其酋長入貢皆以道遠無至者亦是年始還德文采諸方風俗作爲歌詩以獻帝嘉之明年復遣安齎書幣往哈烈其酋沙哈魯把都

兒始遣使隨安朝貢七年達京師復命齎賜物偕其使往報明年其酋遣朝貢撒馬兒罕酋哈里者哈烈酋兒子也二人不相能數構兵帝因其使臣還命都指揮白阿兒忻台齎勅諭之白阿兒忻台旣奉使徧詣撒馬兒罕失刺思俺的干俺都淮土魯番火州柳城合實哈兒諸國賜之幣帛諭令入朝諸酋長各遣使貢獅子西馬文豹諸物自是諸國使並至皆序哈烈於首及仁宗不勤遠畧宣宗承之久不遣使絕域故其貢使亦稀至七年復命中官李貴通西域勅諭哈烈貴等未至其貢使



海國圖志卷十九南洋  
已抵京師貢駝馬玉石英宗幼冲大臣務休息不欲倣  
中國以事外番故遠方通貢者甚少天順後朝貢遂絕  
其國在西域最强大王所居城方十餘里壘石爲屋平  
方若高臺不用梁柱瓦甍中敞虛空數十間牕牖門扉  
悉雕刻花文繪以金碧地鋪毡罽無君臣上下男女相  
敬皆席地跌坐國人稱其王曰鎖魯檀猶言君長也男  
髡首纏以白布婦女亦白布蒙首僅雙露目上下相呼  
皆以名相見止少屈身初見則屈一足三跪男女皆然  
食無匕箸有瓷器以葡萄釀酒交易用銀錢大小三等

不禁私鑄惟輸稅於酋長用印記無印者禁不用市易  
皆征稅十二不知斗斛止設權衡無官府但有管事者  
名曰刀完亦無刑法止罰錢以姊妹爲妻妾居喪止百  
日不用棺以布裹屍而葬常於墓間設祭不祭祖宗亦  
不祭鬼神惟重拜天之禮無干支朔望每七日周而復  
始歲以二月十月爲把齋月晝不飲食至夜乃食周月  
始茹葷城中築大土室中置一銅器周圍數丈上刻文  
字如古鼎狀游學者皆聚此若中國太學然有善走者  
日可三百里有急使傳箭走報俗尙侈靡用度無節土



沃饒節候多暖少雨土產白鹽銅鐵金銀琉璃珊瑚琥珀珠翠之屬多育蠶善爲紈綺刑止箠樸交易兼用銀錢獅生於阿木河蘆林中初生目閉七日始開土人於目閉時取之調習其性稍長則不可馴矣其旁近俺都淮八答黑商並隸其國俺都淮在哈烈東北千三百里東北去撒馬兒罕亦如之

東北舊誤西北又東北舊誤東南今改正俺都與八答哈商相連卽今愛烏罕也安得更在哈烈之西撒馬爾罕之北乎城居大村周十餘里地

平衍無險田土膏腴民物繁庶稱樂土自永樂八年至十四年偕哈烈通貢後不復至八答黑商在俺都淮東

北

觀此語可證前段方向之誤蓋巴達克山在愛烏罕東北也

城周十餘里地廣無

險阻山川明秀人物朴茂浮屠數區壯麗如王居西洋西域諸賈多販鬻其地故民俗富饒初爲哈烈酋沙哈魯之子所據永樂六年命內官賜其會書敕綵幣並及哈實哈兒葛忒郎諸部自是往來通商東西萬里行旋無滯十二年陳誠使其國十八年遣使來貢

皇清四裔考巴達克山居於葱嶺中其境北至伊西洱河東北去葉爾羌千餘里有城郭其汗曰素爾坦沙部落繁盛戶十萬有奇頭目戴紅毡小帽束以錦帕衣錦



氍衣腰繫白絲縹足穿黑革鞮女則被髮雙垂餘與男子同其民人帽頂制似葫蘆邊飾以皮衣黃褐束白絲縹足穿黑革鞮亦有用黃牛皮者其國負山險扼葱嶺之右頗擅形勢有河北流經博羅爾巴達克山爾部落之間至伊什得特兒分流一流經北入圖斯泊一流道西又北入於伊西洱泊其北鄙之城曰瓦漢在漢烏秣國地乾隆二十四年八月回部逆酋博羅尼都霍集占爲王師所敗奔巴達克山副將軍富德率師追之二賊方竄入巴達克山之錫克南村詭稱假道往墨克乃

逸去肆掠村落素爾坦沙禽博羅尼都而以兵圍霍集占於阿爾渾楚哈嶺賊退保齊那爾河素爾坦沙進戰擒之囚於柴扎布柴扎布者布達克山繫囚處也素爾坦沙乃遣人詣軍門投款且報二賊就擒副將軍富德鑒其忠順遣使者往諭責令獻俘進軍瓦漢以待之是時溫都斯坦方以兵臨巴達克山謀劫霍占兄弟而塔爾巴斯者巴達克山讐國也賊將通之攻巴達克山所遣使被獲乃遷霍集占於密室以二百人圍殺之尙以二逆酋與已同派噶木巴爾裔欲縛獻恐諸部不從難



之富德反覆曉以順逆利害乃以逆屍馳獻率其部十

萬戶與博羅爾部三萬戶俱降西裔考日漢書皮山國西南至烏秬國千三百

四十里皮山在于闐國西今自和闐西行至巴達克山亦千三百餘里其國居葱嶺南境四面皆山與班史烏

秬國山居之說相合則今之巴達克山在漢為烏秬國也又魏書載阿鈞羌國在莎車西南西有縣度山漢書

亦云烏秬國西有縣度莎車今之葉爾羌在巴達克山東北亦與阿鈞羌國在莎車西南之說合又權於摩國

去代一萬二千九百七十里阿鈞羌國去代一萬三千里二國相距止三十里當屬毘聯之境疑漢特統屬為

秬至魏乃分兩國東屬權於摩故去代較近西屬阿鈞羌故獨與縣度相接也唐書不載烏秬權於摩阿鈞羌

諸國而有喝盤陀者由疏勒西南六百里至其國今之喀什哈爾古疏勒地西南六百里至巴達克山道里適

符城居山內河抱城東所謂治葱嶺負徒多河形勢可驗至元史載有巴達哈傷明史載有八答黑商其音

與巴達克山相近疑即此地然元史不載遠近道里而明自陳誠使西域一至其地名號粗傳天順後絕不復至重以中外譯音彷彿同異猝難審証聊附存以備考云

又曰博羅爾在巴達克山東有城郭戶三萬有奇四面

皆山西北面有河乾隆二十四年與巴達克山同時內

附其南有部落曰温都斯坦產金絲緞霍集占走巴達

克山時温都斯坦方以兵相改謀劫霍集占不果後其

部為愛烏罕所并二十九年正月博羅爾遣使入朝是

時博羅爾與巴達克山屢行構鬪圍城劫掠乞援於駐

劄葉爾羌都統新柱遣諭巴達克山恪遵約束遣俘罷



海國圖志卷之九十四南洋  
兵至是進玉壩雙七首

又曰愛烏罕在巴達克山西部落最大漢書西踰葱嶺  
有二道北道出大宛南道出大月氏此當爲大月氏地  
也有三大城曰喀奔曰堪達哈爾曰默沙特喀奔城南  
北西面山東面地多平曠堪達哈爾城四面俱山其汗  
愛哈默特沙居之默沙特城舊屬伊蘭愛哈默特沙征  
取之並兼有溫都斯坦地遂統治三城俗事耕種無游  
牧人民廣稠勝兵十有五萬軍器則烏槍長槍腰刀之  
屬不用弓矢善田作戶有餘糧少物采自兼并溫都斯

坦部後資其金絲緞疋諸物物力加豐其人亦有奄豎  
多取諸溫都斯坦者別部商人不至其國乾隆二十四  
年大兵逐霍集占將人愛烏罕境爲巴達克山酋素爾  
坦沙擒獻其屬下有奔愛烏罕者峻其與師問罪于巴  
達克山素爾坦沙懼遣使往言諸不得已狀愛哈默特  
沙云 大清國地廣人稠見於記載未知道路遠近今  
擬與爾部偕往投誠遂屢貢馬

又所屬有阿拉克巴拉斯阿爾雜拜延俱舊隸伊蘭者  
由喀奔至堪達哈爾二十八日程由堪達哈爾至默沙



特二十日程其北境接布哈爾西有默克孔志爾等數  
部落中隔沙漠過此為西海南有思布部落過思布亦

海也

源案此所謂西海皆裏海尚未至地中海也其西  
境外當與南都魯機國相近南都魯機始沿地中

海

○統志塔什罕在回部喀什噶爾之北一千三百里東

至布魯特界東南至那木干界東北至右哈薩克部界

其貢道由回部以達於

京師漢為康居大宛交界之

地北魏為九姓昭武所居隋唐為安國石國地明達失

干國地居平原有城郭向有三和卓分轄回眾曰昭莫

爾多薩木曰沙達曰吐爾占舊為右哈薩克羈屬莫爾

多薩木什者哈薩克所置和卓也吐爾占逐之哈薩克

以兵問罪久而不解乾隆二十三年叅贊大臣富德追

討哈薩克錫拉至其地遣使撫定塔什罕回眾時吐爾

占方與右哈薩克戰於河上因諭以睦鄰守土之道乃

大感悟與哈薩克釋爭相睦即遣使奉表求內屬先是

有準噶爾部逸賊額什木札布在其境內即擒以獻其

年遣使來朝貢塔什罕之西南行數百里踰錫爾河又

踰那林河

二河見右哈薩克部及霍罕部

為賽爾瑪堪城又西南為噶



海國圖志卷之九十四  
拉克則城又西爲烏爾根齊城又西爲臨達里岡阿泊  
是爲西海西境於是盡焉塔什罕城居平原多園林饒  
果木土宜五穀民居稠密當葱嶺直北四百里外

○統志霍罕東與布魯特錯處西至塔什于南至葱嶺  
北至那林河那林河在葱嶺西北經流數千里霍罕安  
集延諸國瀕之以居大小泉源支流不一並會此河其  
發源從布魯特境西行過安集延城之北又西行過瑪  
爾哈朗城又西行過賽瑪爾堪城之北  
可證賽瑪爾  
罕即敖罕地又  
折東南入於達里岡阿泊泊廣千餘里爲西境巨海無

有涯際凡葱嶺以西之水咸歸之漢甘英窮臨西海卽

此水也

案此誤以裏海  
爲地中海也

史記大宛傳大宛在匈奴西南

在漢正西去漢可萬里有城郭屋室其屬邑大小七十  
餘城漢書西域傳大宛國王治貴山城去長安萬二千  
五百五十里東至都護治所四千三十一里北至康居  
卑闐城千五百一十里南至大月氏六百九十里北與  
康居南與大月氏接別邑七十餘城多善馬北魏曰洛  
那國唐曰拔汗那國天寶初改名寧遠國

○統志布哈爾在拔達克山西二千餘里其貢道由回



部以達于 京師漢為難兜國自後無聞乾隆二十五年回部底平遣使頒 勅諭二十九年其部長因叛

達克山素爾坦沙額請以其屬內附漢書西域傳難兜

國王治去長安萬一千五百里東北至都護治所八百

九十里西南至罽賓三百三十里按漢書載烏秣國西

與難兜接烏秣為今之拔達克山難兜為今之布哈爾

其地位遠近正相值也

源案布哈爾一作布哈爾當巴達克山西北正包敷罕西境

罕為大宛則布哈爾為大夏無疑也且難兜非大國又不在大宛之西央非其地史記月氏為匈奴所破乃遠去西擊大夏而臣之大夏在大宛西南二千餘里焉水南焉水疑即今之納林河今敷罕雖古大宛地然止八

城不足全當大宛而布哈爾包敷罕

三面屬城百餘則兼有大宛西境矣

西域聞見錄曰塞克西域一大國也在敷罕西絕非回

子種類

敷罕西則布哈爾也布哈爾正回教後裔此全悞

稱其王曰汗部落數

百處各有統轄之人皆其汗之阿拉巴圖事權歸一無

跋扈叛弒之事城池巨麗人民殷庶居室寬敞整潔人

家院落中各立木竿向之禮拜冬夏和平風俗坦白向

宴會喜歌舞人多力善射發必命中佩標鎗五枝長四

五尺取物於百步之外與敷罕稱敵劫也

敷罕西境劫敵舍布哈爾

其 椿園氏曰塞克西域最遠之國去葉爾羌二萬餘里



既云接敖罕西境則去葉爾羌亦不過二三千里即至鄂羅斯界亦不過五千餘里安得荒遠至此松筠奏疏言敖罕西有布哈爾大國統屬百餘城介鄂羅斯敖罕之間不應更有他國也西北與俄羅斯

薩穆接壤或曰興阿喇克等國犬牙相錯大抵皆世俗所傳之大西洋也然而塞克之邦風朴民淳人無欺詐尙氣節敦廉耻不得以荒遠而鄙夷之矣

源案阿喇克即哈薩克之

音轉塞克即薩克之音轉蓋布哈爾即西哈薩克國乃譌而為阿喇克又譌而為塞克遂分一國為三國矣哈薩克有四大部左哈薩克其東部右哈薩克塔什干其中部布哈爾其西部也此三部外尚有北哈克偏近鄂羅斯不通中國疑即此所謂阿喇克者歟左右二部為古康居西北二部為古大夏而分有大宛西境明時為賽馬爾罕地自明末賽馬爾罕分裂敖罕得其十之三布哈爾得其十之七近日布哈爾又滅敖罕而有之則

兼并大宛大夏之域矣

西域水道記塞勒庫勒在葉爾羌城西八百里為外蕃

總會之區達外蕃凡三道自塞勒庫勒南十四日程曰

巴勒提又東南一日程至其屬邑曰哈普倫哈普倫南

十六日程曰土伯特即藏地也巴勒提西南二十九日

程曰什克米爾地出研蠟紙又西南四十三日程曰痕

都斯坦善鑊玉以上皆各自為部不相屬自塞勒庫勒

西五日程曰黑斯圖濟又西南三日程曰乾竺特歲貢

金一兩五錢又西四日程曰博洛爾其地南即巴勒提



會貢劔斧斧首乾竺特西北九日程曰拔達克山其汗  
素爾坦沙獻霍集占首貢刀斧八駿又北五日程曰塔  
木干又北三日程曰差雅普又西南三日程曰渾渚斯  
又西北三日程曰塔爾罕與噶斯呢爲鄰自黑斯圖濟  
至塔爾罕皆噶勒察種也博洛爾西二十日程曰愛烏  
罕亦曰喀布爾乾隆二十七年其會愛哈默特沙攻痕  
都斯坦殺其汗其子逃竄愛哈默特沙取扎納巴特城  
以伯克守之自居拉固爾城又統至固珠喇特攻克什  
米爾執其頭目塞克專二十八年貢刀及四駿其屬邑

曰拉虎爾距葉爾羌六十二日程自塞勒庫勒北三日  
程曰滾又西北二日程曰幹罕又西北二日程曰差特  
拉勒分二道北一日程曰羅善西一日程曰什克南乾  
隆中有與葉爾羌阿奇木伯克鄂對爲仇肆凶暴名曰  
沙關機者卽什克南頭目也又西北二日程曰達爾瓦  
斯自滾以下亦噶勒察種達爾瓦斯北爲喀爾提錦部  
布魯特羅善北爲霍罕霍罕城距東南塞勒庫勒十日  
程其屬城曰瑪爾噶浪在東北一日程曰安吉延在東  
北三日程曰窩什在東南八日程曰納木干在西南二



海國圖志卷之九十四  
日程曰塔什罕在西北四日程曰科拉普在西北五日  
程曰霍占在西南五日程其大伯克自稱曰汗居霍罕  
城其塔什罕城舊爲舍氏和卓與摩羅沙木什二人分  
治舍氏和卓漸強摩羅沙木什被其侵奪訴與霍罕乞  
師復還侵地舍氏和卓又會西哈薩克攻殺摩羅沙木  
什二子額爾德呢遂攻塔什罕丕色勒來援哈薩克後  
得之終入霍罕霍罕與回部分界處有二嶺曰噶布蘭  
曰蘇提布拉克額德格納部布魯特居之嶺東爲回布  
嶺西爲霍罕霍罕西十五日程曰布哈爾亦大國東南

距塞勒庫勒三十二日程其屬城曰鄂勒推帕在東七  
日程曰濟維克在東三日程曰拜爾哈在東北三日程  
曰噶斯呢在西南十日程曰坎達哈爾在西南二十日  
程

職方外紀中國之北迤西一帶直抵歐羅巴東界俱名  
韃而韃其地江河絕少平土多沙大半皆山大者曰意  
貌中分亞細亞之南北其西北皆韃而韃種也

案意貌山既最

大自當指葱嶺言之當云中分亞細亞洲之東西原本  
作南北誤也若指阿爾泰山北幹言之則蒙古游牧部  
落在其南不皆在山北或指天山言之則又不能西抵  
歐羅巴洲觀上文中國迤西一帶則南北字當爲東西



之誤明矣韃靼即蒙古達子又即達達里皆謂游牧部落特譯音小殊耳氣候極寒冬月無

雨入夏微雨僅濕土而已人性好勇以病歿為辱人罕得遍歷其地亦無文字相通故未悉其詳然大率少城郭居室駕屋於車以便遷徙產牛羊駱駝嗜馬肉以馬頭為絕品貴者方得噉之道行飢渴即刺所乘馬瀝血而飲復嗜酒以一醉為榮此外諸國更有殊異不倫如夜行晝伏身蒙鹿皮懸尸於樹喜食蛇蟻蜘蛛者有人身羊足氣候寒極夏月層冰二尺者有長人善躍一躍三丈履水如行陸者人死不事棺槨衣衾殯殮瘞埋且

有謂不忍委之邱隴者此皆其國俗之殊異者也迤西

舊有女國曰亞瑪作搦最驍勇善戰嘗破一名都曰厄

弗俗即其地建一神祠宏麗奇巧殆非思議所及西國

稱天下有七奇此居其一國俗惟春月容男子一至其

地生子男輒殺之今亦為他國所併即諸史所謂西

女國也今為他國所併者謂并于南都魯機也又有地曰得白得不以金銀為

幣止用珊瑚邱長春西遊記在葱嶺西之大雪山見太祖回至石峽遇征西軍回多攜珊瑚有從

官以白金二鎰買五十株高者尺餘是其證也又有至大剛國惟屑樹皮為餅

如錢印王號其上以當幣其俗國主死後輿棺往葬道



逢人輒殺之謬謂死者可事其主嘗有一王會葬殺人無數此其西北之國俗然也

又曰中國之西北出嘉峪關遇哈密土魯番曰加斯加爾多高山產玉石二種出水中者極美出山石中者以薪火燒石迸裂乃鑿取之甚費工力牛羊馬畜極多因不啖豕諸國無豕自此以西曰撒馬兒罕曰革利哈大藥曰加非爾斯當曰杜爾格斯當曰查理曰加木爾曰古查曰蒲加刺得皆回回諸國也其人多習武若商旅防寇非聚數百不可行亦有好學好禮者初宗馬哈默

之教諸國多同後各立門戶互相排擊持戒亦有數端其大者在不得辯論教中事謂教如此立則當冥心順

愛雖理有未安弗顧也

案杜爾格卽度爾格凡言斯當者卽斯單之音轉或作斯坦或

作士丹或作速檀或作筭端皆西域酋長之稱也

紀昀閱徵草堂筆記曰海中三島十洲崑崙五城十二樓詞賦家沿用久矣朝鮮琉球日本諸國皆能讀華書日本余見其五京地志及山川全圖疆界表延數千里無所謂仙山靈境也朝鮮琉球之貢使則余嘗數數與談以是詢之皆曰東洋自日本以外大小國土凡數十



海國圖志卷之十  
大小島嶼不知幾千百中朝人所必不能至者每帆檣  
萬里商船往來均不聞有是說惟琉球之落漈似乎三  
千弱水然落漈之舟偶值潮平之歲或時得還亦不聞  
有白銀宮闕可望而不可卽也然則三島十洲豈非純  
構虛詞乎爾雅史記皆稱河山崑崙攷河源有二一出  
和闐一出葱嶺或曰葱嶺其正源和闐之水入之或曰  
和闐其正源葱嶺之水入之雙流旣合亦莫辨其誰主  
誰賓然葱嶺和闐皆在今版圖內開屯列戍四十餘年  
卽深崖窮谷亦通耕牧不論兩山之水孰爲正源兩山

之中必有一崑崙確矣而所謂瑤池懸圃珠樹芝田概  
乎未見概乎未聞然則五城十二樓不又荒唐矣乎不  
但此也靈鷲山在今拔達克山諸佛菩薩骨塔具存題  
記梵書一一與經典相合尙有石室六百餘間卽所謂  
大雷音寺回部游牧者居之我兵追捕波羅泥都霍集  
占晉至其地不過如斯種種莊嚴似亦藻繪之詞矣相  
傳回部祖國以銅爲城近西之回部云銅城在其東萬  
里近東之回部云銅城在其西萬里彼此遙拜迄無人  
會到其地因是以推恐南懷仁坤輿圖說所記五大洲



海國圖志卷十九西南洋  
珍奇靈怪均此類焉耳

源案蓬萊方丈始自秦漢方士史書之以見其妄未  
有信之爲實者何勞考辯惟梁書言毘騫國王在南  
海中去扶南八千餘里其國王自古至今長生不死  
能作天竺書三千餘言與扶南王相報說其宿命所  
由與佛經相似此則明載正史確鑿可徵乃自明以  
來西洋商船無島不通遠窮南極曾有此島嶼乎止  
當辨毘騫不當辨十洲三島也毘命之爲葱嶺無疑  
其地產玉又上有龍池故玉山瑤池之說尙非無因

至靈鷲山在中印度爲今之痕都斯坦其北之克什  
彌爾始爲北印度又北始爲拔達克山則並非北印  
度境距中印度境則數千里乃謂諸佛菩薩骨塔具  
存殆同兒戲至大雷音寺出西游演義並非釋典何  
得回疆真有其寺耶回部祖國爲天方阿丹默德那  
等地在西印度西紅海之間明史載其職貢 本朝  
通其商舶粵中所謂港脚白頭回子卽其部類也其  
地有教祖穆罕默德之墓墓前有元石凡各國回人  
皆歲往禮拜焉在西藏之西八千餘里

見明史回  
回麻論 并



非渺茫之域豈有彼地回人舍其聖祖陵墓而向東  
禮拜之理耶筆記雖小說家言然紀文達負張華博  
物之名恐惑觀聽故錄而辯之

北印度以外疆域考一

五印度之疆城南印度以大海界之西印度有紅海地  
中海界之古今截然不紊惟東北二印度陸地界淆各  
國然東印度航海相通商夷共習至北印度則隔葱嶺  
以西中國西洋商旅皆不至又元明後國名地名與唐  
以前不相貫串所幸克什彌爾爲唐宋之迦濕彌羅國  
千餘載不易有大雪山界其北得據爲北印度之屬賓  
自元史以鐵門爲東印度明史以賽馬爾罕爲古屬賓  
重紕疊繆從此棼起不闢之則印度北境終不可明考



皇清通典邊防門曰自塔失罕西南行七百里外

踰錫爾河又踰那林河為賽馬爾罕城又西南為哈那

科爾城又西臨達里岡阿泊是為西海此西海即一統裏海也

志曰納林河在葱嶺西北經流數千里霍罕安集延塔

什干諸國瀕之以居其水發源從布魯特境西行過安

集延城北又西行過瑪爾哈朗城又西行過賽馬爾罕

城之北又折東南入于達里岡阿泊泊廣千餘里為西

境巨浸凡葱嶺西之水皆歸之是賽馬爾罕城實在敖

罕境內為古大宛之區南距克什彌爾尚二千餘里而

以為古之屬賓其慎一明史又稱賽馬爾罕疆域東有

養夷沙鹿海牙賽蘭達失干即今塔什干西有渴石迭里密

諸城又渴石西三百里大山屹立中有石峽兩崖似鐵

路通東西番兵守之謂即元太祖至東印度鐵門關遇

一角獸之地或疑渴石即克什彌爾考明史言渴石在

賽馬爾罕西南三百六十里宮室壯麗為其先賽馬爾

罕會長所居云云若克什彌爾距敖罕豈止三百餘里

且克什彌爾乃元初篤來帖木兒所封賽馬爾罕乃駙

馬賽因帖木兒所封各人各國元史地理志乞石迷西即克什彌爾何得



以此帖木兒當彼帖木兒張冠李戴南轅北轍蓋克什  
彌爾之地北負雪嶺三番黑山疆域險固自古別爲一  
國賽馬爾罕不能越險而并有之也其鎮二鐵門見唐  
元裝西域記在縛芻河之北出鐵門過覩賀羅國南北  
千餘里又踰大雪山國至迦畢試國凡數千里而後至  
北印度迦羅國邱長春西遊記過鐵門後踰七日渡小  
河又七日渡阿母河又四日方至元太祖行在時太祖  
恐印度炎熱故回雪山避暑是雪山距鐵門南北已二  
千里蒙古源流云成吉思汗將進征額納特阿克直抵

齊塔納凌嶺之山脊遇一獨角獸名曰賽魯奔至汗前  
屈膝而叩汗曰彼額納特阿克乃古昔大聖降生之地  
今奇獸至前殆上天示意遂振旅而還此明言遇獸在  
雪山非鐵門非東印度且非因楚材之諫蓋楚材在西  
域十餘年止駐守尋思干城卽賽馬爾罕城也終身未  
至印度北之大雪山後人作耶律神道碑者必欲歸功  
楚材故移雪山之事于鐵門以遷就之不知千里之謬  
而元史因之明史因之其俱三元太祖軍踰雪山追算  
端實止至北印度未親至中印度有長春西行記可證



若僅及鐵門則北印度尙未至况能逾中印度而至瀕海之東印度乎此則萬里之謬亦始于耶律神道碑而元史因之明史因之其偵四漢時大月氏大夏境域卽賽馬爾罕之域兼今敖罕布哈爾愛烏罕諸部地自嘉靖後入貢一國稱王五十餘人則已四分五裂故今葱嶺西無復賽馬爾罕之名而圖西域者尙列其舊國以統葱嶺諸部坤輿職方諸圖海國聞見錄莊氏地球圖並同殊非于核實從今之義故詳辨之以祛正史之誣并以祛後來諸圖之惑

北印度以外疆域考二

問曰賽馬爾罕國在敖罕境其非屬賓非北印度固已至其疆域爲葱嶺以西第一大國東西三千餘里斷非止今敖罕八城之地且明史賽馬爾罕外達失干卽今塔什干卜花爾卽今布哈爾八答哈商卽今拔達克山各自爲國則將以何者爲賽馬爾罕之疆域耶曰史稱永樂中傅安等使西域賽馬爾罕使人導安等徧歷諸國數萬里以夸其國廣大則是葱嶺以西皆其屬國又卜花爾雖在賽馬爾罕西北七百餘里而初境狹小至



海國圖志卷之十九南洋  
明末賽馬爾罕地裂爲數十今則盡并于布哈爾故撫  
有百餘城包敖罕西南北三面近且滅敖罕而有之則  
今布哈爾之域卽昔賽馬爾罕之域西抵裏海東抵葱  
嶺北接鄂羅斯南接愛烏罕巴達克山兼古大宛大夏  
之地史言大宛七十餘城今敖罕止七城又史言大夏  
在大宛西南二千餘里媯水南媯水在葉水之南葉水  
卽今之納林河則媯水爲葱嶺龍池所出之縛芻河二  
水之間是其疆域矣曰西域聞見錄言有塞克大國者  
在敖罕西部落數百與敖罕勅敵西北與鄂羅斯薩穆

接壤亦與阿喇克等國犬牙相錯是果何國耶曰阿喇  
克卽哈薩克之音轉塞克卽薩克之音轉蓋布哈爾卽  
西哈薩克國乃譌而爲阿喇克又譌而爲塞克遂分一  
國爲三國矣哈薩克有四部左哈薩克其東部右哈薩  
克塔什于其中部布哈爾其西部也此三部外尙有北  
哈薩克偏近鄂羅斯不通中國其卽此錄所謂阿喇克  
者歟左右二部爲古康居西北二部爲古大宛大夏明  
時爲賽馬爾罕地明末分製敖罕得其十之二布哈爾  
得其十之八近日則大宛大夏皆并于布哈爾焉曰明



史言葱嶺以西惟賽馬爾罕及哈烈二國最大其哈烈  
即賽馬爾罕分封其子之地當今何地耶曰史言哈烈  
在賽馬爾罕西南三千餘里俗崇回教不知其為今之  
愛烏罕歟抑為今之南都魯機歟愛烏罕在裏海之東  
南都魯機則在裏海以西地中海以東凡西域圖志一  
統志所稱西海者皆裏海非地中海也然則西域聞見  
錄謂塞克國絕非回子種類今謂為西哈薩克回部者  
何曰明史言天方入貢如僅一王嘉靖中入貢稱王者  
至二十七人故西域圖志言回部二十五世始分十二

支分適布哈爾敖罕痕都斯坦克什彌爾拔達克山各  
國則布哈爾正回教後裔西域見聞錄于西洋鄂羅斯  
之奉天主者妄指為北方回子大國而于塞克之即西  
哈薩克回部者及誣為非回教慎倒迷謬胡壹至此

元代征西域考上

太祖之用兵西域也所平定者惟三大國一曰回鶻五  
城即今天山北路自科布多塔爾巴哈台南接伊犁之  
地一回回諸城即今天山南路回部地一西契丹亦名  
西遼乃遼之後裔于金初率眾西奔初居于漠北乃蠻



部內見契丹國志後徙于回鶻以西其國都有二一在葱嶺

西之尋思干城即賽馬爾罕城在今敖罕境一在葱嶺

東之布魯特當伊犁表境其地南界印度北界阿速西

抵裏海東抵伊犁表數千里此三大國為諸小國之綱

故元兵攻取亦分三路太祖自將由北路十四年取阿

答刺城禽其酋即西鶻酋也十五年克蒲華城地里志作胡瓦在葱嶺西

尋思干城即賽馬爾罕都城脫羅爾城地里志作羅耳十六年攻卜哈

爾城明史作卜花爾元地理志作阿八哈耳今作布噶爾更在尋思干之西北薛迷思干城

長春西游記作邪迷思干即尋思干也元史誤分為二班勒紇城長春西游記有班里城在鐵門

及阿母河之南近大雪山西域主札闌丁出奔與蔑里可汗合帝禽

蔑里元秘史兔年太祖征回部命赭孛為前鋒速孛額

台繼之脫忽察爾又繼之命所過毋攻城毋虜掠直走

王城俟太祖大軍至夾攻回回王札刺丁與蔑力克合

兵拒戰此蔑力克汗當是乃蠻之子篡西契丹國者蓋回部西奔與西契丹合兵也太祖軍

伴卻誘之而赭孛等兵夾攻其後回兵大敗走至申河

溺死殆盡此申河未知即印度之申河否惟札刺丁及蔑力克二酋沿

河西遁太祖自取兀都刺爾各城于阿勒壇廓爾山過

夏此謂印度北之大雪山非阿爾泰山也命速孛額台征迤北東鄰等十



一部前後征回城七年使巴刺窮追札刺丁二酋班師

此太祖親軍由回鶻五城而攻西契丹乃滿魯于葱嶺

以西也皇子木赤長子察哈台次子窩闊台三子即太宗等分攻

養吉干城巴爾真城玉龍傑赤城今作玉隴哈什馬魯

察城葉爾馬魯城疑即葉爾羌城昔刺思城皇四子拖雷等分

攻徒思匿城察兀爾等城并下之還掠木刺夷國遂度

朔朔闌河疑即烏蘭烏蘇河克耶里等城與帝會兵攻塔里寒

寨拔之即今葱嶺西北之塔什干城西域主札闌丁出奔此天山南

路之兵又分二路木赤等由南山之于闐而至葉爾羌

拖雷等由天山之庫車阿克蘇烏什而至喀什噶爾故

拖雷先會太祖于葱嶺西也十八年皇子木赤等三人

兵亦來會遂定西域置達魯花赤監治之十九年追若

弗又算端踰大雪山至北印度角端見班師郭寶玉傳

甲戌從帝討契丹遺族歷古徐鬼國訛夷朶等城破其

兵三十餘萬尋收別失蘭等城次忽章河西人列兩陣

迎拒追殺幾盡進兵下尋思干城次暗木河敵築十餘

壘陳船河中寶玉發火箭乘風燒其船破護岸兵五萬

收馬里四城辛巳可弗又國唯美端罕破乃滿國引兵



據尋思干聞帝將至棄城南走入鐵門屯大雪山寶玉  
追之遂奔印度帝駐大雪山前時谷中雪深二丈詔封  
山昆侖山為元極王大鹽池為惠濟王此北印度算端  
襲據契丹西都太祖兵又攻諸印度以南也計三國中  
惟西契丹用兵最久蓋自耶律大石以來建國七十載  
閱五帝并二女主數之至是為乃蠻襲據已閱十餘載太祖滅乃蠻殺  
太陽汗其子居出律奔西契丹襲執其汗尊為地袤萬  
太上皇據其國仍契丹之號太祖西征乃滅之  
里風俗慄悍又有鄰部北印度汗覬乘我軍退後收漁  
人之利使非禽渠徙種則大軍返後旋服旋叛故太祖

駐軍數載以尋思干城為葱嶺以西要扼令耶律楚材  
守之分一軍北出追茂里二酋于欽察而自率大軍南  
山鐵門踰阿母河踰大雪山追若弗又酋于北印度旋  
師後復遣將追至忻都即溫都斯恒中印度也窮及申河箕端死  
乃返箕端者西域汗名其後遂封駙馬帖木兒于尋思干城以

鎮守之而設行省于阿母河以總控西域阿母河即佛  
經之縛芻河源出葱嶺之大龍池西注裏河為葱嶺西  
第一幹河南可控印度北可控尋思干以今地里計之  
太祖兵力由伊犁西布魯特境攻取敖罕布哈爾塔什



千而後南敗巴達克山元史地理志作巴答哈傷追至克什彌爾元地

理志作乞石迷西又遣將追至痕都斯坦而還太祖親至北印

度未親至中印度元史誤以北印度為東印度又誤以

見角端之地為鐵門繆之又繆元史于乃蠻于回鶻于

回回于西契丹當仿宋史李煜劉鋹錢椒之例各立一

傳以見太祖初年削平各國次第乃疆域沿革一切茫

然竟不知在何方疏之又疏至其兼并五印度則在憲

宗之世蓋太宗全力平金平北方未遑南畧憲宗二年

命忽必烈征大理諸王圖爾花撒征身毒徹底不花征

沒里奚即劉郁西使記之木乃奚國也旭烈征西域素丹等國案身毒

即中印度素丹即西印度沒里奚則在印度之北賽馬

爾罕之西介裏海地中海之間皆葱嶺西之三大部故

分兵三路征之八年旭烈討回回哈里發平之禽其王

遣使來獻捷哈里發即明史之哈烈國史言哈烈在賽馬爾罕西南二千餘里與賽馬爾罕并為

西域大國當為今之愛烏罕也又案此一事元史誤于二年書旭烈薨而三年別書旭烈兀征西域以一事為

二事一人為二人今以三年命兀良哈台等征西域哈

里發八塔塔等國又命塔塔爾帶撒里土魯花等征欣

都思即痕都斯坦中印度怯失迷兒等國即克什彌爾北印度也此二軍皆以佐旭烈之



師而史誤為 當以郭侃傳與劉郁西使記參考之其所

述憲宗世西征戰事皆在西印度若北中二印度則不

大煩兵而服南東二印度則兵未之及焉元初設阿母

河行尚書省蓋以此控契丹故墟南控印度諸國然印

度恃大雪山之隔旋各擅命不受統轄 見海國圖志 中葉後

則賽馬爾罕以隔于葱嶺亦各自為國朝廷鞭長莫及

遂罷阿母河等處行省惟以阿力麻里別失八里二元

帥府控制天山南北二路又以曲先塔林元帥府控玉

門陽關東路而已 東路今謂之安西路

元代征西域考下

問元史元秘史及長春西游記元太祖皆無征烏斯藏

之事惟蒙古源流攷曰青吉斯年三十三歲起兵伐金

三十五歲進兵托克摩克斬蕭古里蘇勒德汗 即泰赤烏部

三十七歲破克里特業之翁汗 即克烈部王罕也曾納為父子故云翁汗 三

十九歲破柰曼之圖們汗 即乃蠻 四十一歲破鄂爾羅斯

之納林汗 今漢南蒙古有鄂爾羅斯殆其故地 四十三歲破哈爾里固特

之阿爾薩蘭汗 當即回鶻回回也但未知何部 四十五歲用兵土伯特

之古魯格多爾濟汗其汗遣使獻駝隻輜重無算青吉



斯汗致書于大刺麻遜申版禮由是收復阿里三部屬  
八十萬土伯特人衆然則元太祖兵果至西藏乎曰此  
言致書刺麻則兵未至藏尙在葱嶺北印度與西藏交  
界地其言收復阿里三部者特以大刺麻通好卽謂之  
收服耳又言遂進征額納特阿克中印直抵齊塔納凌  
嶺之山脊遇一獨角獸名曰塞魯奔至汗前屈膝而叩  
汗知上天示意遂振旅而還案齊塔納凌嶺之山卽北  
印度迦濕彌羅國北之大雪山也自西至東綿亘千里  
爲印度與回部之大界是太祖親征實至北印度而止

其諸皇子兵至和闐南路而止自元鋪人張耶律楚材  
則以鐵門爲見角端之地而蒙古源流乃刺麻所撰好  
鋪張唐古特則又謂成吉思汗有親至唐古特境之事  
其于地域則差岐數千里疑誤千百年苟得其小片言  
可折也曰蒙古源流又述成吉思汗曰承上帝之命駕  
馭天下十二強汗平定諸惡劣小汗今當養息安居十  
有九年以唐古特人衆未服丁亥歲遂攻錫爾固汗禽  
之此非明言征唐古特乎曰此非征唐古特之事乃征  
唐兀部也亦名畏吾兒地在今土魯番其境西有烏魯



木齊東有哈密諸地界回部西夏之間元史岳璘帖木爾者回鶻人畏兀國相裔也時西契丹方強兼制畏兀命太師僧少監來臨其國驕恣甚國王患之謀于岳璘兄弟遂殺少監挈家歸大蒙古又鐵哥木者高昌人世居五城父達釋有智畧為國人信服太祖西征高昌國王怛召達拜謀之達輝勸其王執贄稱臣太祖班師至其國建置始末莫詳于亦都護傳亦都護者高昌國王號也先世居畏兀爾之地傳國三十餘君至唐世乃遷于交州交州即火州也統別失八里之地北至阿朮河

南接酒泉西臨西番居是九百七十餘載而至亦都護臣于西契丹聞太祖興朔方遂殺契丹所置監國等官而來附朝帝于怯綠連河尙公主從征回回諸國將部曲萬人以先紀律嚴明又從征河西皆有大功凡四傳皆居火州號亦都護率萬人鎮北番為宣慰司仁宗始封高昌王賜以金印其王印行諸內郡亦都護印行諸畏兀境惟元史言唐兀部之降未嘗用兵而蒙古源流言用兵禽斬者考元秘史云成吉思稱帝斡難河之年委吾部會奕都烏遣使朝貢願為第五子許之

畏吾部  
畏吾奕



都烏即亦都護 又征唐兀部時其酋布爾罕來降約共攻回回  
 請為軍右翼至是令其出軍其臣阿沙敢布言俟大國  
 兵敗時我再出兵太祖大怒曰我先破回回再滅爾國  
 前後征回城凡七年還至土刺河黑林舊營明年遂征  
 唐兀部先破其將阿沙敢布于賀蘭山還圍其酋于靈  
 州城誅之是亦都護非畏吾國王國王不降與亦都護  
 之先降各為一事較元史為明析其地西界回回南界  
 烏斯藏東界西夏其文字與衛藏天竺相通故元初止  
 用畏吾字及世祖中統八年始詔行國師八思巴所製

又必蘭納識里傳幼熟畏吾書及天竺書又迦魯納答  
 思傳以畏吾字譯西天西番經論鈔版賜諸王大臣是  
 畏吾字與天竺西藏相通明為唐古特之部屬則太祖  
 未征西藏明矣 塔統阿傳曰塔統阿者畏兀人通本國  
 文字乃蠻太陽爾汗尊之焉傳掌其金  
印錢穀太祖征乃蠻得之命教太子諸王以兀吾字書  
 國語又世祖本紀八年詔自今詔令以蒙古字母用畏  
 吾字



葱嶺以東新疆回部附考上

原無今補輯。案此與海國無涉以印度

回教沿革非此不備故附之

法顯佛國記曰鄯善國王奉法有四千餘僧悉小乘學  
從此西行所經諸國語各不同然出家人皆習天竺書  
天竺語西南行一月得至于闐僧數萬人多大乘學家  
家門前起小塔高二丈許國王安置法顯等于僧伽藍  
三千僧共搥槌食威儀齋肅器鉢無聲及夏四月觀佛  
行像國王夫人散華供養城西七八里有僧伽藍高二  
十五丈經三王方成莊嚴妙好非言可盡嶺東六國諸



王皆以上寶供養

洛陽伽藍記魏神龜元年太后遣比丘惠生向西域取經從鄯善西行千六百四十里至左末城有中國佛菩薩像無胡貌又捍廢城有大寺僧三百餘金像丈六相好炳然恆面東不西顧言自南方騰空而來于闐國王親見禮拜載像歸中途夜宿忽還本處因起塔供養西行八百七十八里至于闐國有辟支佛靴于今不爛

魏書西域傳于闐俗重佛法寺塔僧尼甚衆王每設齋親洒掃饋食城南有贊摩寺卽昔羅漢比丘盧旃爲其

王造覆盆浮圖之所石上有辟支佛跣處雙迹猶存

注云于闐國寺中有石鞞石上有辟支佛迹法顯所不傳疑非佛迹云云案道元但據法顯傳未考惠生使西域記耳惠生記所目驗故史據之疏勒國當高宗遣使獻釋迦牟尼佛

袈裟一長二丈餘高宗以審是佛衣應有靈異遂置猛火之上經日不燃觀者悚駭心形俱肅

唐元奘西域記曰焉耆國龜茲國姑墨國文字並取則印度伽藍各百十所僧徒小者數千多者萬餘習學小

乘又曰歸途至于闐國

記作瞿薩旦那國

文字遵印度崇尙佛

法伽藍百餘所僧徒五千餘人並多大乘法教王甚驍



武敬重佛法自云毘沙門天之祚胤也城南十餘里有  
大伽藍此國先王為編照阿羅漢建西南牛角山有大  
石室中有阿羅漢入滅心定待慈氏佛近者崖崩掩塞  
門徑

晉書藝術傳鳩摩羅什天竺人也父鳩摩羅炎辭相位  
出家東度嶺葱龜茲王聞其名郊迎請為國師偈妻以  
妹遂生羅什幼時日誦千偈沙勒國王重之專以太乘  
為化年二十龜茲王迎還國苻堅聞而欲迎之遣呂光  
將兵七萬西伐諭以若獲羅什即馳驛送之還至涼州

聞秦亡遂留姑臧迨姚興遣姚碩西伐破呂隆乃迎羅  
什至秦

唐書西域傳太宗之遣郭孝恪擊焉耆也龜茲有浮屠  
善數歎曰唐家終有西域不數年吾國亦亡

源案以上四事皆唐

以前西域并行佛法無回教之證也至葱嶺以西印度  
以外凡今回教各國唐以前亦皆佛教晉見于法顯魏  
惠生唐元奘所記  
葱嶺以東乎

明史西域傳圖蘇魯國阿克蘇國沙哈魯國俗皆敬佛

惡鬪

案明史皆據永樂中陳誠使西域記之言此又明  
初回部尙奉佛未盡從回教之證也况唐宋元之

乎世



舊唐書疏勒國西帶葱嶺俗事祆神有胡書文字于闐

國好事祆神崇佛教屬賓國在葱嶺南常役屬于大月

氏其地暑濕人皆乘象尤信佛法此祆神未知為回教為天主教然亦不過

與佛教雜行之證也

宋史于闐國西抵葱嶺與婆羅門接相去二千餘里

此

羅門即葱嶺西之回教

又曰龜茲本回紇別種景祐中入貢賜以

佛經一藏紹聖三年上表獻玉佛又曰高昌漢車師前

王之地其地頗有回教故亦謂之回紇乾德三年西州

回紇可漢遣僧法淵獻佛牙國中佛寺五十餘所皆唐

朝賜額寺中有大藏經唐韻玉篇經音等宋太宗遣供

奉官王廷德使其國游佛寺曰應運大寧之寺員觀十

四年造復有摩尼寺波斯僧各持其法佛經所謂外道

者也案摩尼寺波斯外道皆天主教宋時回疆特聞有之又曰雍熙元年西州回

紇與婆羅門僧永世波斯外道阿里烟同入貢景德四

年遣尼法仙等來朝獻馬請游五臺山又遣僧翟入奏

欲于京城建佛寺祝聖壽不許熙寧元年入貢求金字

大般若經以墨本賜之此宋時回部僅間有一二他教其全境仍奉佛教之證也

西域水道記曰葉爾羌城內東南隅有古浮圖一高三



十餘丈回人名曰圖持謂是喀喇和台國人所造也

謂

漢人曰和台

阿克蘇城赫色勒河南流三十餘里經千佛洞西緣山法像尙存金碧壁有題字曰惠勤蓋僧名也東滙于渭于河折而南曰十餘里經丁谷山西山勢斗絕上有石室五所高丈餘深二丈許就壁鑿佛相數十鋪瓔珞香花丹青斑駁洞門西南向中有三石楹方徑尺隸書梵字鏤刻曰環積石剝蝕惟辨建中二年字又有一區是沙門題名水經注言龜茲國北四十里山中有寺名雀

離大清淨今溯遺跡差存髣髴

西域水道記伊犁河逕拱宸城南經故回部王吐呼魯克吐木勒罕墓西回人庫魯安書云其部初有女子曰阿郎固庫勒魯者天地使一丈夫向女吹噓白氣感而有身生子曰麻木哈伊項爲回部王傳至三世習蒙古佛法又傳十四世爲吐呼魯克吐木勒罕年二十二嗣爲國主後二歲獵於阿克蘇遇回人授派噶木巴爾法返伊犁又有回教七人來教其部衆遂盡返舊俗在位

十年卒

案伊犁與葱嶺及哈薩克近故元末有回酋非若南路八城之皆元裔世藩也然此回酋亦先



奉佛教中年始遇回教此亦元未回教卡盛行之一證 有滿克國回部長以橐駝

四十頁滿克國土為建此塚覆以碧琉璃刻墓門識營造之年至今嘉慶二十五年凡四百七十四年推以彼術三十年積一萬六百三十一日則四百七十四年當積一十六萬七千九百六十九日又十分日之八以歲實約之得四百五十九年又三百二十三日太平日從庚辰逆數之蓋建於元順帝至正二十年庚子歲

西域聞見錄曰庫車城西六十里有大佛洞山山上下前後鑿洞四五百處內皆五朱金粉繪為佛像最高一

洞三楹壁鑿白衣大士像漢楷輪回經一部鐫壁上相

傳唐代所為

以上三事皆今日回部尚存古時佛教遺迹之證也



葱嶺以東新疆回部附攷下

欽定西域圖志回部世系其始祖青吉斯汗為第一世

案即元太祖也子察罕岱為第二世 案太祖次子分封回部者是為回酋之初祖山南山

北皆其封地不止今山南也哈喇拜蘇畢喇克為第三世達瓦齊為

第四世 案此與乾隆所俘準酋同名其人則在元初巴爾當為第五世巴圖

爾博汗為第六世圖墨訥為第七世阿沽斯為第八世

海都為第九世 案元世祖時有海部叛王乃太宗裔孫非班人也薩木布瓦為

第十世特木爾圖胡魯克為第十一世克則爾和卓為

第十二世錫喇里為第十三世錫喇瑪哈木特為第十



四世瑪木特為第十五世玉努斯為第十六世阿瑪特  
 為第十七世賽葉特為第十八世阿布都里錫特為第  
 十九世阿布都喇伊木為第二十世巴巴汗為第二十  
 一世阿克巴錫為第二十二世阿哈木特為第二十三  
 世莽蘇爾哈色木為第二十四世阿布都勒拉為第二  
 十五世

案即順治十二年上  
表之葉爾羌回汗也

欽定外藩王公表傳順治三年吐魯番蘇勒檀阿布勒  
 阿哈默特阿濟汗遣使表貢諡曰吐魯番乃元成吉思  
 汗次子察哈岱受封之地前明時隔絕二百八十餘載

今幸而復合豈非天平所受明朝勅印可悉繳上別賜  
 封爵蘇勒檀者猶蒙古稱汗明成化時回號也順治六  
 年河西逆回丁國棟等叛偽立哈密巴拜汗子土倫泰  
 為王據肅州叛提督張勇討平之十二年回日克拜齋  
 葉爾羌表至稱哈密巴拜汗為葉爾羌阿布都刺汗所  
 禁獻還內地民請罪張勇詰其表異名之故克拜告曰  
 哈密吐魯番葉爾羌皆昆弟其父曰阿都刺汗居葉爾  
 羌卒已久子九人長即阿布都刺汗居葉爾羌次即阿  
 布勒阿哈默特汗居吐魯番次巴拜汗居哈密以得罪



天朝故爲葉爾羌汗所拘禁其次諸弟分長阿克蘇庫車和闐前貢使來自吐魯番故署吐魯番汗名今以葉爾羌汗爲昆弟長故表稱葉爾羌汗名康熙十二年吐魯番使貢馬及璞玉表稱烏木特賽伊特汗署一千八十三年卽阿布勒阿哈默特汗之子也

案此以元裔爲長而奉回教年

號此明季南路初改回教之證

二十五年後貢表稱臣成吉思汗裔承

蘇賚滿汗業云云康熙二十一年噶爾丹以嫌紮山南

阿布都爾實特三十五年噶爾丹敗阿布都爾實特脫

出來歸 詔遣人護至哈密使歸葉爾羌

案可疆自後汗位遂絕其無

外迫于準部內分于回教和卓木而元裔亡矣

乾隆二十年定北將軍班第奏

吐魯番舊頭目莽蘇爾爲元太祖裔居喀喇沙爾應遣

歸轄其舊屬二十一年陝甘總督黃廷桂獻額敏和卓

繪吐魯番圖奏吐魯番不復有蒙古裔瓜州回民願歸

故土請視舊納準夷賦爲貢額

西域圖志又曰回教之祖派噶木巴爾第一世同祖兄

子阿里爲第二世鄂賽音爲第三世再努勒阿畢丁爲

第四世瑪木特巴克爾爲第五世札丕爾薩氏克爲第

六世木色伊喀則木爲第七世阿里伊木西里雜爲第



八世賽葉特勒塔里布為第九世阿布勒拉為第十世  
 阿布雜勒為第十一世阿布都勒拉為第十二世阿哈  
 瑪特為第十三世瑪木特為第十四世沙喀三為第十  
 五世沙額色尹為第十六世扎拉里丁為第十七世克  
 瑪里丁為第十八世布爾哈尼丁為第十九世米爾氏  
 瓜納為第二十世瑪木特為第二十一世布喇尼丁為  
 第二十二世扎拉里丁為第二十三世瑪哈圖太阿雜  
 木為第二十四世瑪木特額敏為第二十五世瑪木特  
 玉素布為第二十六世

案第二十六世為初遷喀城之祖見西域水道記至霍集占僅

四世

耳 伊達雅圖勒拉和卓為第二十七世雅雅和卓為

第二十八世瑪罕木特為第二十九世波羅尼都霍集  
 占為第三十世

又曰瑪罕木特子波羅尼都霍集占即大和卓木小和  
 卓木兩逆酋也其第二十五世之巴哈古敦阿布都哈  
 里克瑪木特伊布喇伊木伊薩木瑪木特阿里阿拉勒  
 顏瑪木特色德克阿三沙伊赫和卓阿布都勒拉共十  
 二支折居布哈爾痕都斯坦諸處第二十六世之哈色  
 木後遷布哈爾木薩爾後遷拜勒哈世次不備載



西域水道記曰瑪木特玉素普之初遷喀什噶爾也

案卽霍集

占之高祖

土人龐雅瑪獻所居地爲寺死卽塋焉墓在回城

東北十里許回人卽墓爲祠堂曰嗎咱爾周甃石欄中

列木格標馬牛鹿尾於其端謂薦牲祈福也樹木陰翳

臺宇軒敞外垣以藍色琉璃鏤刻花卉每日寅未申酉

戌五時誦經咒曰入則鼓吹送之曰送日鼓七日爲市

曰巴咱爾市前一日男婦入祠堂膜拜以求利市

魏源曰西域自唐以前無論葱嶺西東皆有佛教無回

教其以回教稱者自隋唐之間始且其教止行於極西

而未及葱嶺以東其及葱嶺以東者自明季始教雖東

行而山南各回城會長尙皆元太祖之裔于回裔無與

其被滅於準夷則自 國初康熙間始以此三事證諸

羣書則其言西域自古皆佛教者見于晉書鳩摩羅什

傳及晉僧法顯魏僧惠生唐僧元奘使西域之記見于

魏書舊唐書宋史西域各傳見于今日葉爾羌城內之

古淨圖

西域水道記

阿克蘇城外數十里河岸之千佛洞及

石佛洞庫車城西六十里之大佛洞皆像好莊嚴梵經

隸刻是回疆之舊皆佛教昭如星日其言回教舊在極



西明始季被葱嶺以東者見于唐書西域傳之大食波

斯西域傳之天方默德那又見于回部之自叙世系此

西域圖志所引及西域水道記蓋隋唐時謨罕默德崛起天方

臣服諸國創教事天西域尊曰天使番語曰派罕巴爾

其地在葱嶺西萬餘里二十五世始分十二支分適布

哈爾敖罕痕都斯坦克什彌爾巴達克山諸國至二十

六世瑪木特玉素普始東遷喀城立寺行教死即葬焉

即霍集占高祖是為新疆南路回教之祖然仍以極西

之祖國為天堂故回疆習教之人終身必赴西海禮拜

一次是葱嶺東之有回教近始明季又昭如星日其言

新疆回僧 國初以前皆元裔者見于元史明史見于

欽定外藩王公表傳所載順治初年之 上諭康熙

中之貢表與夫張勇班第黃廷桂先後之奏蓋元時葱

嶺以西為太祖駙馬賽馬爾罕封地葱嶺以北之阿羅

思欽察為太祖長子木赤封地金山以北為太宗孫海

都篤姓昔里吉等封地葱嶺以東天山以南為太祖次

子察罕岱封地建闡于葉爾羌其苗裔分王南路各城

其見元史者如于闐為宗王阿魯忽所封察罕岱即元史之察合台



太子也阿魯忽王于闐見暗伯傳元世祖紀屢言征幹端即幹于闐叛王也 見明史者哈密

為元威武王所封皆察罕岱之孫而朝廷別建南路元帥府于別失八里北路元帥府于阿力麻里以控禦之元末天山北路為強臣脫歡所踞別為準部于是元裔惟有天山南路 國初順治中回會表貢尚以葉爾羌曾為太宗稱臣成吉思汗裔承蘓賚滿汗業其諸弟分長八城即元裔之第二十五世也至康熙中并滅于準夷拘各城元會遷之山北雖康熙三十五年滅噶爾丹時縱回會歸葉爾羌亦終于不振自後汗位遂絕故乾

隆蕩平準部時各回城無復元裔于是霍集占以回教橫起據之前此從無回教會長表貢之事是霍集占以前之皆元裔非回裔亦昭如星日而 近日西域圖志

獨以新疆南路從古皆回教盡斥歷代西域傳之謬然無以處夫唐以前也則取元成吉思汗至順治初凡二十五世之藩封併移諸上古謂其更在派罕巴爾以前與元太祖同名又以派罕巴爾即遷喀城始祖而無如回教祖墓在天方極西載在明史也則析派罕巴爾與穆罕德為二人謂回城會長自元明即皆回教而順



治間表貢之元裔會長何人竟置不問于欽定外藩表傳之官書亦置不問推原其故皆由明季回教由天方至喀城時諸元裔會長靡然奉之故康熙初土魯番貢表署于八十三年此元裔改奉回教之證故華人遂誤以元裔爲回裔并誤以新疆自古皆回教此皆鑿枘之至大者今特盡錄諸書于前案而不斷以昭慎重唐書言于闐疏勒俗事祆神宋史言其佛寺外有末尼寺及波斯寺此回疆舊兼有天祠之事又豈得西域自古皆天主教乎佛經屢言婆羅門外道事大自在天祠雖

佛世不能盡絕豈得謂印度自古皆祆神教無佛教乎唐時長安有大秦波斯寺今京師及澳門有天主堂各省有禮拜寺又豈得謂中國皆奉祆神無他教乎惟回疆南路之祆神昔特間有其祀不及佛教十分之一至其數千里并爲一教家喻戶曉佛教掃迹不行則實始於明之末葉不特此也回鶻回回皆葱嶺以東國名其教創于天方本名天方教不名回教其葱嶺以西奉教各國亦皆不名回回猶之蒙古崇佛教豈可并稱印度爲蒙古耶今中土稱天方爲回回教并稱爲回回國不



知回部之去天方萬有餘里正猶天主教行歐羅巴即  
古之大秦後人因并稱天主所生之如德亞爲大秦不  
知實隔地中海



